

Mpho ya letšatši la matswalo ye kaonekaone


Mongwadi keZaheera Jina Asvat

Diswantšho kaChantelle le Burgen Thorne



Zakariyya o ile a tsoga ge seetša sa letšatši se hlola ka diphahla tša garatene.

E be e le letšatši la Zakariyya la matswalo gape o be a thabile kudu. Mma o mo tshephišitše mpho ya letšatši la gagwe la matswalo ya go kgethega. Ka morago ga dijo tša go fihlola, Mma o ile a thuša Zakariyya go tsena setulong sa ka morago sa kolo.



Sefatanaga se ile sa ema. Zakariyya o kwele dimpša di goba le dikatse di ngautša.

“Mma, re mo kae?” a botšiša.

“Re tlile lefelong la go kgethega mo go hlokomelwago gona diphoofolo. Le bitšwa Mokgahlo wa Tšhireletšo ya Bošoro go Diphoofolo SPCA, ka boripana.”



Mma o swere Zakariyya ka letsogo. Bobedi ba tsene mabating a digalase gomme Mosadi wa go apara hempe ye talalerata a ba dumediša.

“Ke nna Ngaka Molete.”

“Dumela Ngaka Molete.” Zakariyya a myemyela.

”Le amogetšwe mo SPCA. Ke nna ngaka ya diphoofolo, ke ‘mobete’ ge re e khutsofatša. Ke hlokomela diphoofolo tša go lwala.”

Mma a realo. “Re tlile fa go amogela dikatsana tše pedi gore re di godiše.”

“Dikatsana tše pedi?” Zakariyya o be a thabile kudu.

Ngaka Molete o ile a ba iša ka serobeng. Zakariyya o bone dikatse le dikatsana tše dintši. Ngaka Molete o ile a bea katsana e tee ya mmala wa gemere le katsana e tee ya mmala o-moso-le-o-mošweu ka gare ga selo sa go rwala dikatse.

Mma o saenne dipampiri tša go amogela gomme a lefa tšhelete ya go amogela gore a di godiše.



Ka morago, ge ngwedi o laela letšatši, Zakariyya o ile a dula mpeteng le dikatsana a di kukile.

“Snepo wa Ginger le Liquorice ke dimpho tša letšatši la matswalo tše dikaonekaone le go feta, Mma!” Zakariyya a sega.

Mpho ya letšatši la matswalo ye kaonekaone

Mongwadi keZaheera Jina Asvat • Diswantšho kaChantelle le Burgen Thorne

Mehopolo eo le ka buang ka yona

O tla ba o fetša mengwaga ye mekae ka letšatši la gago la matswalo le le latelago? Naa mpho ye kaonekaone ya letšatši la gago la matswalo e ka ba efe?

O nagana gore Ginger le Liquorice ba kgonne go fihla bjang go SPCA?

Ka lapeng la geno, naa le fana ka dimpho tša matšatši a matswalo? Ka lebaka la eng go le bjalo goba go se bjalo?



Go bona

Naa o na le seruiwaratwa, goba o kganyoga gore o ka ba le se tee? Thala seswantšho sa gago o na le seruiwaratwa se.



Go bala

Hwetša dilo tše ka kanegelong:

- ★ medumo ye mebedi yeo e dirwago ke diphoofole
- ★ maina a mararo a mebala
- ★ nomoro e tee
- ★ dilo tše pedi tše re di bonago leratadimeng
- ★ leina la mohuta wa dijo




Go ngwala

Zakariyya o be a rata go fiwa mpšanyana ka letšatši la gagwe la matswalo. Ge o be o ka hwetša se sengwe le se sengwe seo o se hlokago, ngwala lenaneo la dimpho tša letšatši la matswalo tše o ka di kgethago.



Go dira dilo

Šomiša khatapokisi go dira mokotla wa go lokela katse wo o swanago le wo o lego ka kanegelong. Ke moka šomiša tong ya go ralokišwa goba letsopa go bopa Ginger le Liquorice gomme o di tsenye ka mokotleng wa go lokela katse ya gago.



Go bapala terama

Itire o ka re ke wena Zakariyya gomme o anege kanegelo gape o sa šomiše mantšu afe goba afe. Šomiša fela dika tša mmele go bontšha se se diregilego ka letšatši la gago la matswalo.

